



17. november 2009

Inatsisartut suleriaasiani § 36 imm. 1 naapertorlugu matumuuna Naalakkersuisunut apeqquut ataani allaqqasoq saqqmiuppara:

Naalakkersuisunut apeqquut:

1. Naalakkersuisut pilersaaruteqarnerlutik Word Anti-Doping Agency (WADA) naapertorlugu atortussat/nakorsaatis suut pisortatigoortumik inerteqqutaanersut paasinissaannut ajornannginnerulersitsinissaminnut ?
2. Naalakkersuisut isumaqarnerlutik, akornatsinni timersortartut pikkorisut atortussanik inerteqqutaasunik atuinermikkut imminnut akornngusersinnaanerit pinngitsoortinniarneqarpat iluaqutissartaqassanersoq ?
3. Timersortartut pikkorinnerpaat nunatsinni amerlasuunit nuannartorineqarput taamaattumik Demokraatit isumaqarput, tamakku taamatut isigineqarnermikkut immikkut akisussaaffeqartut. Naalakkersuisut suliniutigilersaarnerlugu timersortartunut pikkorinneriukkanut paasititsiniutigissallugu timersullammaanerit inuiaqatigiinnut qanoq pingaaruteqartigisoq ?
4. Aanngajaarnartoq hashi inuiaqatigiit ajornartorsiutigaat angisooq aamma ajoraluarmik timersornerup silarsuaani taamaappoq. Aanngajaarnartorlu hashi nunarsuarmi nukkassaatisut inerteqqutaasutut nalunaarsoqqammat, Demokraatit isumaqarput, Kalaallit Nunaanni pissartanngorniuttoqartillugu aanngajaarniut taanna atorineqarsimanersoq misissorneqartalertariaqartoq. Taama isumaqarnermut Naalakkersuisut isumaqataanerlutik taamaassimappat taava Kalaallit Nunaanni pissartanngorniuttoqarneranut atatillugu misissuisarnissamut aalajangersimasunik malittarisassiornissamut Naalakkersuisut qanoq qulakkeerinninniarpat ?

(Inatsisartuni ilaasortaq Niels Thomsen, Demokraatit)

Tunngavilersuut:

World Anti-Doping Agency's (WADA's) -p nukkassaatis inerteqqutaasut pillugit allattugaatai naapertorlugit aanngajaarniutit (soorlu hashi, marihuana) inerteqqutaapput.

Ukiut kingulliit ingerlanerini timersortartut pikkorinnerisaasa ilaat ikiaroorartumut hashimut attuumassutilinnut unioqqutitsinernut ajoraluarmik akuusarsimapput.

Assersuutigalugu taaneqarsinnaavoq isikkamik arsarnermi 2008-mi pissartanngorniuttoqarmat WADA-p inerteqqutaanut inuit marluk unioqqutitsillutik atuisimasut paasineqarpoq, timersortartut taakku marluk aavat hashitamineqarsimammat. Tamanna paasineqarpoq nukassaatinik inerteqqutaasunik timersortartut akornanni atuisoqarsimanersoq misissorneqarmat.



Ukioq taanna isikkamik arsarnermi nunanut allanut unammeqataasartut marluk politiinit tiguarineqarput nunani allani unammereerlutik Kalaallit Nunaannut anngiortumik ikiaroonartumik hashimik eqqusseriaraluarnertik pissutigalugu.

Septemberip naalernerani timersortartut pikkorinnersiukkat marluk Ilulissat mittarfiani politiinit tiguarineqarput, ikiaroonartumik hashimik 200 gram-imik nassartut.

Qulaani taariikkakka pissutigalugit pisariaqartippara qulaani apeqqutima ersarissumik akineqarnissaat, iliuuseqartariaqaratta inuiaqatigiinni nukkassatinik atornerluineq unitsinniarlugu minnerunngitsumillu timersornerup silarsuaani atornerluineq unitsinniarlugu.

Naalackersuisut ullut naliginnaasumik sulliviusut qulit qaangiutsinnagit akillaqquneqarput.